

Zijad Jagodić

1. Pitanje postavljeno Federalnom ministarstvu prostornog uređenja, Ministarstvu za prostorno uređenje, građevinarstvo i ekologiju Republike Srpske, Ministarstvu prostornog uređenja i zaštite okoliša Kantona Sarajevo, Ministarstvu za urbanizam, prostorno uređenje i zaštitu okoline Bosansko-podrinjskog kantona Goražde, Ministarstvu za prostorno uređenje, promet i komunikacije i zaštitu okoline Zeničko-dobojskog kantona, Ministarstvu za građenje, prostorno uređenje i zaštitu okoliša Unsko-sanskog kantona, Ministarstvu prostornog uređenja i zaštite okolice Tuzlanskog kantona, Ministarstvu prostornog uređenja, građenja, zaštite okoliša, povratka i stambenih poslova Srednjobosanskog kantona, Ministarstvu građenja i prostornog uređenja Hercegovačko-neretvanskog kantona, Ministarstvu prostornog uređenja, graditeljstva i zaštite okoliša Zapadnohercegovačkog kantona, Ministarstvu graditeljstva, obnove, prostornog uređenja i zaštite okoliša Kantona 10 i Ministarstvu za transport, komunikacije, turizam i zaštitu okoliša Posavskog kantona – „Šta su nadležne službe i inspekcije iz vaše oblasti i nadležnosti preduzele u dijelu zaštite zraka (emisije i imisije) nakon uočavanja nedostataka i nepravilnosti, kako kroz propise tako i na terenu u periodu 2010.-2013. godina?“
2. Inicijativa upućena Kolegiju Predstavničkog doma Parlamentarne skupštine BiH – „U skladu s članom 8. Poslovnika Predstavničkog doma Parlamentarne skupštine BiH, upućujem poslaničku inicijativu Vijeću ministara BiH, kojom se inicira izmjena Uputstva o primjeni Zakona o javnim nabavkama u BiH, na način da:
 1. Član 20. stav 1. tačka b) glasi:

„Prilikom obračuna cijena ponuda u svrhu poređenja ponuda, umanjiti cijene domaćih ponuda za preferencijalni faktor, i to:
20% za ugovore koji se dodjeljuju od 2014. do 2018. godine,
15% za ugovore koji se dodjeljuju od 2019. do 2022. godine,
10% za ugovore koji se dodjeljuju od 2023. do 2025. godine.“
 2. Član 20. stav 1. tačka d) alineja 3. glasi:

„u slučaju ugovora o nabavci roba, najmanje 50% ukupne vrijednosti roba, koje se ugrađuju imaju porijeklo iz Bosne i Hercegovine ili roba koje se ne proizvode u Bosni i Hercegovini, a koje uvozi, nudi i ugrađuje ponuđač iz Bosne i Hercegovine i najmanje 50% radne snage za izvršenje ugovora su rezidenti iz Bosne i Hercegovine.“
 3. da se član 20. stav 1. tačka e) briše
 4. da član 20. stav 3. glasi:

„Odredbe ovog člana prestaju važiti 1. januara 2026., izuzev tačke c) stava (1) ovog člana.“
3. Pitanje postavljeno Upravnom odboru Javnog Radiotelevizijskog servisa BiH – „Da li je Upravni odbor i menadžment Javnog Radiotelevizijskog servisa BiH sačinio vlastiti plan izlaska iz krize a u pogledu tehničkog, tehnološkog, organizacionog i ekonomskog sektora, s mjerama koje mogu sami unaprijediti kao i onim za koje im je potrebna pomoć i intervencija institucija BiH?“